

13. sastanak Parlamentarnog foruma
za evropske integracije Bosne i Hercegovine

11. decembar 2024.

Parlamentarna skupština Bosne i Hercegovine

ZAJEDNIČKA IZJAVA

Nakon završetka 13. sastanka Parlamentarnog foruma za evropske integracije Bosne i Hercegovine, a u skladu s članom 5. Poslovnika Parlamentarnog foruma, članovi rukovodstva Parlamentarnog foruma:

- 1. Pozivaju institucije Bosne i Hercegovine da ispune preostale uslove navedene u preporukama Evropske komisije iz maja 2019. i oktobra 2022. kako bi Bosna i Hercegovina od Evropskog vijeća što prije dobila pregovarački okvir i pristupila organiziranju prve međuvladine konferencije;*
- 2. Pozivaju nadležne institucije izvršne vlasti Bosne i Hercegovine da intenziviraju sve aktivnosti vezane za usvajanje dokumenta plana reformi BiH, kako bi do kraja godine Bosna i Hercegovina bila uključena u Plan rasta za Zapadni Balkan;*
- 3. Ukazuju na potrebu za upoznavanjem zakonodavnih institucija u BiH sa sadržajem Nacrta programa integriranja, ali i na neophodnost što hitinijeg usvajanja ovog dokumenta, naglašavajući njegovu važnost, kada je u pitanju proces usvajanja pravne tečevine EU;*
- 4. Ohrabruju odgovorne organe izvršne vlasti na svim nivoima da redovno informiraju i izvještavaju parlamente u Bosni i Hercegovini i njihova nadležna tijela, i o realiziranim i o planiranim aktivnostima u oblasti evropskih integracija i konkretno o toku pregovora između Bosne i Hercegovine i Evropske unije;*
- 5. Pozivaju na provođenje neophodnih zakonskih, regulatornih i tehnoloških reformi kako bi se finansijski sistem u Bosni i Hercegovini uskladio sa standardima SEPA-e, osiguravajući besprijekornu integraciju u evropski sistem elektronskog plaćanja;*
- 6. Ukazuju na potrebu da Bosna i Hercegovina intenzivira aktivnosti usmjerene ka poboljšanju regionalne saradnje, posebno provođenjem neophodnih reformi i usklađivanjem politika sa standardima EU kako bi u potpunosti koristila prednosti Berlinskog procesa;*

7. *Pozivaju na promoviranje institucionalne koordinacije kroz mehanizam saradnje parlamenata u Bosni i Hercegovini u poslovima vezanim za proces integracija u EU, kao i svih njegovih komponenti, uključujući redovne konferencije rukovodstava parlamenata, te saradnju sektorskih komisija;*
8. *Naglašavaju važnost redovnog održavanja sastanaka Parlamentarnog foruma za evropske integracije u budućnosti, i to najmanje dva puta godišnje, prepoznajući potrebu jačanja uloge parlamenata kroz kontinuitet uključenosti i praćenja ispunjavanja uslova za članstvo u EU;*
9. *Ohrabruju sve inicijative, prijedloge i rješenja čiji je cilj unapređenje komunikacije, dijeljenje, razmjena i zajedničko korištenje informacija između parlamenata u BiH i njihovih tijela u evropskim poslovima, uz ostalo, putem zajedničke veb-platforme koja bi odražavala kontinuitet rada, aktivnosti i rezultate rada svih komponenti parlamentarnog mehanizma koordinacije u BiH.*